

後漢書集解

孝順孝冲孝質帝紀第六

宋

宣

城

太

守范

睦

睦

唐

章

懷

太

子

賢

世

王先謙集解

孝順皇帝諱保

諡法曰慈和徧服曰順伏侯古今注曰保之字曰守

安帝之子也母李氏為

閹皇后所害永寧元年立為皇太子

集解惠棟曰東觀記上幼有簡厚之質體有敦慤之性寬

仁溫惠始入小學誦孝經章句和熹皇后甚嘉之以為宜奉大統年六歲永寧元年立為皇太子受業尚書兼資敏達

延光

三年安帝乳母王聖大長秋江京

前書曰長秋皇后官本秦官將行也景帝更名大長秋或用中

人或用士人秩二千石中興常用宦者

中常侍樊豐譖太子乳母王男廚監邴吉殺

之

集解汪文臺曰御覽九十二引書云帝為太子四歲避疾嘗居阿母王聖第第新治乳母王男廚監邴吉以為犯土忌不可御

與江京樊豐及聖二女永等相是非聖永譖男吉皆物故

太子數為歎息王聖等懼有後禍遂

與豐京共構陷太子太子坐廢為濟陰王明年三月安帝崩北鄉

侯立濟陰王曰廢黜不得上殿親臨梓宮悲號不食內外羣僚莫

不哀之及北鄉侯薨車騎將軍閭顯及江京與中常侍劉安陳達

等白太后祕不發喪而更徵立諸國王子

集解惠棟曰續漢書云江京等徵濟北河間王

子欲以爲嗣

乃閉宮門屯兵自守十一月丁巳京師及郡國十六地震

是夜中黃門孫程等十九人

十九人見孫程傳

共斬江京劉安陳達等迎

濟陰王於德陽殿西鍾下

漢官儀曰崇賢門內德陽殿也集解惠棟曰太子既廢囚於請室程等就鍾下

迎之也漢書司馬遷傳云五伯囚於請室如淳曰請室請罪之室若今之鐘下也

即皇帝位年十一近臣

尚書曰下從輦到南宮登雲臺召百官尚書令劉光等奏言孝安

皇帝聖德明茂早弃天下陛下正統當奉宗廟而姦臣交構遂令

陛下龍潛蕃國

從太子廢爲王故曰龍潛蕃國

羣僚遠近莫不失望天命有常北

鄉不永漢德盛明福祚孔章

孔甚也章明也

近臣建策左右扶翼內外同

心稽合神明陛下踐祚奉遵鴻緒爲郊廟主承續祖宗無窮之烈

上當天心下狀民望而卽位倉卒典章多缺請條案禮儀分別具

奏制曰可乃召公卿百僚使虎賁羽林士屯南北宮諸門

漢官儀曰書稱

虎賁三百人言其猛怒如虎之奔赴也孝武建元三年初置期門平帝元始元年更名虎賁郎又武帝太初元年初置建章營騎後更名羽林以天有羽林之星故取名焉又取從軍死事之子孫養羽林官教以五兵號曰羽林孤兒光武中興以征伐之士勞苦者爲之故曰閹顯兄弟聞帝立率兵入北宮尙書郭鎮與交鋒刃遂羽林士

斬顯弟衛尉景戊午遣使者入省奪得璽綬乃幸嘉德殿遣侍御

史持節收閹顯及其弟城門校尉耀執金吾晏竝下獄誅已未開

門罷屯兵壬戌詔司隸校尉惟閹顯江京近親當伏辜誅其餘務

崇寬貸壬申謁高廟癸酉謁光武廟乙亥詔益州刺史罷子午道

通褒斜路

子午道平帝時王莽通之三秦記曰子午長安正南山一名秦嶺谷一名樊川褒斜漢中谷名南谷名褒北谷名

斜首尾七百里集解惠棟曰初高祖興於漢中由子午道出散入秦定帝位後以子午塗路澁難更隨圍谷復通堂光凡此四道埃昌允艱明帝永平四年詔開斜鑿通石門中遭元二橋梁斷絕子谷復循延光末司隸校尉犍爲武陽楊煥字孟文奏請廢子順帝

從之自永初衰斜斷絕至此凡十五年見楊孟文石門頌己卯葬少帝曰諸王禮司空劉授免

東觀記曰以阿附惡逆辟召非其人策罷賜公卿曰下錢穀各有差十二月甲申曰少

府河南陶敦爲司空敦字文理京縣人也集解惠棟曰案陶氏家傳云敦爲司空當朝正色其令郡

國守相視事其集解劉攽曰案他處上有詔語則下有其令云云無有特出其字者明多此字未滿歲者一

切得舉孝廉吏漢法視事滿歲乃得舉今帝新卽位施恩惠雖未滿歲得令舉人癸卯尙書奏請

下有司收還延光三年九月丁酉曰皇太子爲濟陰王詔書奏可

京師大疫辛亥詔公卿郡守國相舉賢良方正能直言極諫之士

各一人尙書令曰下從輦幸南宮者皆增秩賜布各有差

永建元年春正月甲寅詔曰先帝聖德享祚未永早弃鴻烈姦慝

緣間人庶怨讟上干和氣疫癘爲災朕奉承大業未能寧濟蓋至

理之本稽弘德惠蕩滌宿惡與人更始其大赦天下賜男子爵人

二級爲父後三老孝悌力田三級流民欲自占者一級鰥寡孤獨

篤瘡貧不能自存者粟人五斛貞婦帛人三匹坐法當徙勿徙亡

徒當傳勿傳

徒囚逃亡當傳捕者放之勿捕

宗室已罪絕皆復屬籍其與閭顯江

京等交通者悉勿考勉修厥職已康我民辛未皇太后閭氏崩辛

巳太傅馮石太尉劉熹司徒李邵免

馮石字次初東觀記曰馮劉以阿黨權貴李邵以人多疾

免二月甲申葬安思皇后丙戌太常桓焉為太傅大鴻臚朱寵為

太尉參錄尚書事長樂少府九江朱倂為司徒

朱寵字仲威京北杜陵人朱倂字孫

卿壽春人也

賜百官隨輦宿衛及拜除者布各有差

集解劉放曰案文云及拜

除者隨輦宿衛乃是賞功拜除者未知何謂蓋傳寫之誤當云賜百官隨輦宿衛拜除者布各有差拜除謂已遷升其官布又加賜

明衍一

隴西鍾羌叛護羌校尉馬賢討破之夏五月丁丑詔幽并

涼州刺史使各實二千石已下至黃綬

實謂驗實之也二千石太守也黃綬丞尉也前書曰

比二百石以

上銅印黃綬年老劣弱不任軍事者上名嚴勅障塞繕設屯備立

秋之後簡習戎馬六月己亥封濟南王錯子顯為濟南王秋七月

庚午衛尉來厯爲車騎將軍八月鮮卑寇代郡代郡太守李超戰

歿九月辛亥初令三公尙書入奏事冬十月辛巳詔減死臯曰下

徙邊其亡命贖各有差丁亥司空陶敦免鮮卑犯邊庚寅遣黎陽

營兵出屯中山北界告幽州刺史其令緣邊郡增置步兵列屯塞

下調五營督師郡舉五人令教習戰射

調選也五營五校也謂長水步兵射聲胡騎車騎等

五校尉也集解劉攽曰正文案調五營督師何爲更言舉明此舉字是與字一郡與五人教習也又注案此五校之名大誤檢百官志有屯騎越騎步兵長水射聲今此誤云胡騎車騎當改胡作屯車作越且二漢有車騎將軍及騎都尉官耳無車騎校尉也又胡騎中興長水矣所以知非章懷之誤者安紀永初三年注五校引用漢官儀甚明

王寅廷尉張皓爲司空

甲辰詔曰疫癘水潦令人半輸今年田租傷害什四曰上勿收責

不滿者曰實除之十二月辛巳賜王主貴人公卿曰下布各有差

二年春正月戊申樂安王鴻來朝丁卯常山王章薨二月鮮卑寇

遼東玄菟甲辰詔稟貸荆豫兗冀四州流冗貧人所在安業之疾

病致醫藥護烏桓校尉耿晙率南單于擊鮮卑破之三月早遣使

者錄囚徒疏勒國遣使奉獻夏六月乙酉追尊謚皇妣李氏為恭

愍皇后葬于恭北陵西域長史班勇敦煌太守張朗討焉耆尉犁

危須三國破之竝遣子貢獻秋七月甲戌朔日有食之集解惠棟曰續志在

翼九壬午太尉朱寵司徒朱伉罷庚子太常劉光為太尉錄尚書

事光祿勳許敬為司徒

劉光字仲遼即太尉劉矩之弟許敬字鴻卿平輿人集解錢大昕曰劉矩傳稱叔父

劉光此注誤風俗通劉矩

惠棟曰許氏譜敬字鴻卿安帝時為光

祿謝承書敬鄉吏有誣君者會於縣令坐敬拔刀斷席曰敬不忍

與惡人同席應劭漢官儀載崔瑗表云許敬年且百歲猶居相位

袁宏紀敬值實鄧閭氏之盛直道而進三家之敗多所染汚敬謗

不及已當世以此奇之陶辛丑下邳王成薨

宏景云敬父名勇公府掾

三年春正月丙子京師地震漢陽地陷裂

集解惠棟曰續志是時順帝阿母宋娥及中常

侍張昉

等用權甲午詔實覈傷害者賜年七歲已上錢人二千一家被害

郡縣為收歛乙未詔勿收漢陽今年田租口賦

集解惠棟曰袁宏紀乙未詔京師地

動漢陽尤甚加以比年民饑夙夜祇懍羣公卿士其深
思古典有以消災復異救此下民忠信嘉謀靡有所諱夏四月癸

卯遣光祿大夫案行漢陽及河內魏郡陳留東郡稟貸貧人六月

早遣使者錄囚徒理輕繫甲寅濟南王顯薨秋七月丁酉茂陵園

寢災帝縞素避正殿爾雅曰縞皓也縞之精白者曰縞辛亥使太常王龔持節告

祠茂陵九月鮮卑寇漁陽冬十二月己亥太傅桓焉免東觀記曰無清介辟

召策罷是歲車騎將軍來厯罷

四年春正月丙寅詔曰朕託王公之上涉道日寡政失厥中陰陽

氣隔寇盜肆暴庶獄彌繁憂悴永歎疾如疾首詩云君子如祉亂

庶遄已解見章紀三朝之會朔旦立春嘉與海內洗心自新其赦天下

從甲寅赦令已來復秩屬籍三年正月已來還贖其閭顯江京等

知識婚姻禁錮一原除之妻父曰婚壻父曰姻一猶皆也務崇寬和敬順時令遵

典去苛已稱朕意丙子帝加元服冠也集解惠棟曰開元禮義鑒云漢順帝冠用曹褒新禮四加

初加縹布進賢次爵弁武弁次通賜王主貴人公卿曰下金帛各

有差賜男子爵及流民欲占者人一級爲父後三老孝悌力田人

二級鰥寡孤獨篤瘡貧不能自存帛人一匹二月戊戌詔曰民入

山鑿石發洩藏氣敕有司檢察所當禁絕如建武永平故事

集解惠棟

曰六韜云人主敢壞名山壅塞大川則歲多大水五穀不成前書
貢禹上言曰鑿地數百丈銷陰氣之精地藏空虛不能含氣出雲
斬伐林木亡有時禁水旱之災未必不由此也夏五月壬辰詔曰海內頗有災異朝廷修

政太官減膳珍玩不御而桂陽太守文龔

音力公反集解惠棟曰袁宏紀作漢陽都尉

不惟竭忠宣暢本朝而遠獻大珠曰求幸媚今封曰還之五州雨

水秋八月庚子遣使實覈死亡收歛稟賜丁巳太尉劉光司空張

皓免

東觀記曰以陰陽不和久託病策罷

九月復安定北地上郡歸舊土

安帝永初五年徙今

之復癸酉大鴻臚龐參爲太尉錄尚書事太常王龔爲司空冬十一

月庚辰司徒許敬免

東觀記曰爲陵轅使官策罷二千石祿終身集解劉攽曰注陵轅使官案文官當作者

鮮卑寇朔方十二月乙卯宗正劉崎為司徒崎字叔峻華陰人也是歲分會

稽為吳郡枸彌國遣使貢獻集解先謙曰官本枸作拘各處皆作拘此本從手從木字通作

五年春正月疏勒王遣侍子及大宛莎車王皆奉使貢獻夏四月

京師旱辛巳詔郡國貧人被災者勿收責今年過更京師及郡國

十二蝗集解惠棟曰續志是時鮮卑寇朔方用眾征之冬十月丙辰詔郡國中都官死罪

繫囚皆減罪一等詣北地上郡安定戌乙亥定遠侯班始坐殺其

妻陰城公主腰斬始班超孫也尚順帝姑陰城公主東觀記曰陰城公主名賢得集解惠棟曰續志作堅得伏侯

古今注五年夏熒惑守氏諸侯有斬者是冬班始腰斬馬市同產皆棄市

六年春二月庚午河間王開薨三月辛亥復伊吾屯田章帝建初二年罷也

復置伊吾司馬一人秋九月辛巳繕起太學集解惠棟曰述征記太學在國學東二百

步學堂裏有大學贊碑記曰建武二十七年立太學堂永建六年

制下府繕治并立諸生房舍千餘間陽嘉元年畢刊於碑有太尉

龐參司徒劉琦太常孔扶將作大匠胡廣答制水經注載碑文云

建武二十七年造大學年積毀壞永建六年九月詔書修太學刻

石紀事用工作徒十一萬二千人陽嘉九年八月作畢護烏桓校尉耿晷遣兵擊鮮卑破之

丁酉于闐王遣侍子貢獻冬十一月辛亥詔曰連年災潦冀部尤

甚比蠲除實傷贍恤窮匱而百姓猶有弃業流亡不絕疑郡縣用

心怠情恩澤不宣易美損上益下書稱安民則惠易益卦曰損上益下人悅無疆

惠愛也尚書曰安人則惠黎人懷之其令冀部勿收今年田租芻橐十二月日南徼

外葉調國揮國遣使貢獻東觀記曰葉調國王遣使師會詣闕貢獻以師會為漢

紫綬及揮國王雍田亦賜金印紫綬揮音王申客星出牽牛于闐

擅集解先謙曰官本注辯作歸田作由

王遣侍子詣闕貢獻

陽嘉元年春正月乙巳立皇后梁氏賜爵人二級三老孝悌力田

三級爵過公乘得移與子若同產同產子民無名數及流民欲占

著者人一級鰥寡孤獨篤瘡貧不能自存者粟人五斛二月海賊

曾旌等寇會稽殺句章鄞鄞三縣長三縣皆屬會稽郡鄞縣今越州縣也句章故城在今鄞縣

西鄆故城在鄆縣東南鄆音銀鄆音茂集解錢大昕曰天文志作會於古書旌或作旂於當是旂之譌先謙曰三縣今皆屬甯波府句章今慈谿定海二縣鄆今奉化及象山縣鄆今鄆鎮海二縣

兵戍丁巳皇后謁高廟光武廟詔稟甘陵貧人大小口各有差京

師旱庚申勅郡國二千石各禱名山嶽瀆遣大夫謁者詣嵩高首

陽山并祠河洛請雨

首陽山在洛陽東北也

戊辰雩曰冀部比年水潦民食

不贍詔案行稟貸勸農功賑乏絕甲戌詔曰政失厥和陰陽隔并

冬鮮宿雪春無澍雨分禱祈請靡神不禱

說文曰禱設縣蕞為營以祈水旱禱音詠詩曰

靡神不舉集解錢大昕曰雲漢詩云上下奠瘞靡神不宗毛訓宗為尊漢時三家詩必有作禱字者祭法雩宗祭水旱也鄭讀宗為禱是宗與禱通注以靡神不舉釋之似未狀深恐所在慢違如在之義論語曰祭神如神在今遣

侍中王輔等持節分詣岱山東海滎陽河洛盡心祈焉

濟水四瀆之一至河

南溢為滎澤故於滎陽祠焉

三月揚州六郡妖賊章河等

集解錢大昕曰續志作章何

寇四

十九縣殺傷長吏庚寅帝臨辟雍饗射大赦天下改元陽嘉詔宗

室絕屬籍者一切復籍稟冀州尤貧民勿收今年更租口賦夏五

月戊寅阜陵王恢薨秋七月史官始作候風地動銅儀

時張衡爲太史令作

之丙辰呂太學新成試明經下第者補弟子增甲乙科員各十人

前書音義曰甲科謂作簡策難問列置案上在試者意投射取而

荅之謂之射策上者爲甲次者爲乙若錄政化得失顯而問之謂

策也除郡國耆儒九十人補郎舍人九月詔郡國中都官繫囚皆

減死一等亡命者贖各有差鮮卑寇遼東冬十一月甲申望都蒲

陰狼殺女子九十七人望都縣名屬中山國今定州縣也章帝改

在今定州北東觀記亦作蒲本多作滿滿字者誤也東觀又云爲

不祠北岳所致詔曰政失厥中狼災爲應至乃殘食孤幼博訪其

故山岳尊靈固所望秩而比不奉祠淫刑放濫害加孕婦也集解

劉攽曰注本多作滿滿字者誤案文多一滿字惠棟曰女子續志

作童兒案東觀記詔云害加孕婦毒流未生當是殘食女子所孕

兒也案東觀記云中山相朱遂到官不出奉祠北嶽詔曰災暴緣

類符驗不虛政失厥中云云殘食孤幼案東觀記作孩幼先謙曰

望都在今保定府望都縣西北舊志三十里曲逆改蒲陰在今保

定府完縣東南詔賜狼所殺者錢人三千辛卯初令郡國舉孝廉限年四

十已上諸生通章句文吏能牋奏乃得應選其有茂才異行若顏

淵子奇不拘年齡

史記曰顏回魯人好學年二十九髮盡白早死新序曰子奇年十八齊君使之化阿至阿鑄其

庫兵以為耕器出倉廩以賑貧窮阿縣大化

十二月丁未東平王敞薨庚戌復置玄菟

郡屯田六郡

集解陳景雲曰六郡當作六部玄菟屬縣六每縣置屯田一部也錢大昭曰東夷傳作六部

閏月

丁亥令諸已詔除為郎年四十已上課試如孝廉科者得參廉選

歲舉一人戊子客星出天苑

集解惠棟曰續志客星氣白廣二尺長五丈起天苑西南郎顗傳曰閏十

月十七日已丑也

辛卯詔曰間者已來吏政不勤故災咎屢臻盜賊多有

退省所由皆已選舉不實官非其人是已天心未得人情多怨書

歌股肱詩刺三事

尚書益稷篇帝作歌曰元首明哉股肱良哉詩小雅曰三事大夫莫肯夙夜邦君諸侯莫肯朝

夕也今刺史二千石之選歸任三司

三司三公也即太尉司空司徒也歸猶委任也

其簡序

先後情覈高下歲月之次文武之宜務存厥中

集解先謙曰官本中作衷

庚子

恭陵百丈廡災

恭陵安帝陵也廡廊屋也說文曰堂下周屋曰廡也集解惠棟曰續志太尉李固以為奢僭所致陵之

初造禍及枯骨是歲起西苑修飾宮殿

二年春二月甲申詔曰吳郡會稽飢荒貸人種糧

集解惠棟曰顏師古云貸音吐

戴反種五穀種也音之勇反

三月使匈奴中郎將王稠率左骨都侯等擊鮮卑

破之辛酉除京師耆儒年六十已上四十八人補郎舍人及諸王

國郎夏四月復置隴西南部都尉官

武帝元朔四年初置南部都尉於隴西臨洮縣中興以來

廢至此復置之也集解錢大昭曰馬防傳建初二年羌豪布橋等圍南部都尉於臨洮則肅宗時有此官也此云復置則不知廢於

何已亥京師地震

集解惠棟曰續志是時爵號宋娥為山陽君

五月庚子詔曰朕已不

德統奉鴻業無已奉順乾坤協序陰陽災眚屢見咎徵仍臻地動

之異發自京師矜矜祇畏不知所裁羣公卿士將何已匡輔不逮

奉荅戒異異不空設必有所應其各悉心直言厥咎靡有所諱戊

午司空王龔免

集解惠棟曰本傳云以地震策免

六月辛未太常魯國孔扶為司

空

扶字仲淵集解惠棟曰扶為孔

疏勒國獻師子封牛

東觀記曰疏勒王盤

遣使文時詣闕師子似虎正黃有額彰尾端茸毛大如斗封牛其領上肉隆起若封然因以名之即今之峯牛

地陷集解惠棟曰續志宣德門地圯長八十五丈近郊地是月旱秋七月己未太尉龐參免

八月己巳大鴻臚沛國施延為太傅延字君子斬縣人也集解惠棟曰魏文帝甄表狀云延清

公潔白進士許國臨難不顧名著漢朝案延事并詳陳寵傳注四年延免官注東觀記云以選舉貪污策罷則陳寵傳注仍載及甄

表狀似非實錄故范史無傳鮮卑寇代郡冬十月庚午行禮辟雍奏應鍾始復

黃鍾作樂器隨月律子為黃鍾律長九寸聲有輕重長短度量皆出黃鍾隨月律謂月令正月律中太簇二月

律中夾鍾三月律中姑洗四月律中仲呂五月律中蕤賓六月律中林鍾七月律中夷則八月律中南呂九月律中無射十月律中

應鍾十一月律中黃鍾十二月律中大呂東觀記曰元和以來音戾不調復修如舊典簇音湊

三年春二月己丑詔曰久旱京師諸獄無輕重皆且勿考竟集解惠棟

曰劉熙釋名云獄死曰考竟考得其情竟其命於獄也須得澍雨三月庚戌益州盜賊劫質

令長殺列侯夏四月丙寅車師後部司馬率後部王加特奴等掩

擊匈奴大破之獲其季母五月戊戌制詔曰昔我太宗丕顯之德